



17387

I

Mag. St. Dr.

P

Hanus

eicaris

Wrocławski Bartholom. Poëma lugubre  
in fœnus Illustris et Magni D. S.  
Joh. Comiti. in Wivni Lubomirski cl.

PANEG. et VITAE

Polon.

N. 477.



Biblioteka Jagiellońska



stdr0000275



<sup>VIII</sup>  
POEMA LVGVBRE,

*In funus Illustris & Magnifici Domini, D.*

SEBASTIANI

Comitis in Wisnic

LVBOMIERSKI

CASTELLANI WOYNI-

CIEN. CAPITANEI SENDO.

MIRIEN. DOBZYCIEN. &c.

Senatoris prudentissimi, patriæ amantissimi,  
mortui X. Cal. Iul. Sepulti Nonis Aug.

Anno Dñi, M DC. XIII.

*Illustri & Magnifico Domino, D.*

STANISLAO COMITI IN WISNIC

LVBOMIERSKI CAPITA. SENDOMIR.

SANDECEN. DOBZICEN. SCEPVSI. &c.

Filio inæstissimo.

*Illustrissime*

*XXXV. S. 40.*  
SOPHIÆ DVCISSÆ AB OSTROG,

Coniugi ipsius dulcissimæ.

*Illustri et Magnificæ Heroine*

ANNÆ DE RVSCA VXORI DE-

functi tristissimæ.

Cæterisq; omnibus cognatis, ac hospitibus ad hanc diei celebritatem  
congregatis.

Oblatum à M. Bartholomæo Wresniano Collega Minore.



In Arma Comitum in Wisnie  
LVBOMIRSCIORYM.



17387 I

Quid video? Fluvij sinuosa volumina lati,  
Quæ Diadema, tubæ, condecoratq; Leo.  
Per spacium Regni decurrit viuida virtus,  
Splendescunt gemmæ, fulua metalla micant.  
Immanis rugit Leo, bina per aëra leuem  
Aera sonant, gentis fortia facta canunt.  
Quis LVBOMIRSCIADVМ virtutes nesciat amplas?  
Quid nisi virtutes symbola pulchra notant?  
Religio, pietas, rerum prudentia mater  
Iustitia, hîc patriæ regnat amorq; suæ.  
Hîc animus clemens, moderatæ hîc mentis imago;  
Hîc semper florent, quæ bona quisque putat.



In arma Illustrissimæ Domus  
OSTROGIAE.



Fortis eques dextrâ gladium bene vibrat acutum,  
 Alterius telo sternitur ipse Draco.  
 Crux, Phæbe, Sydus, niueum diadema resurgent,  
 Horrescit spolijs Partha sagitta suis.  
 Agmina concurrunt virtutum in stemmate tali,  
 Quæ Moschus fallax, Turca Scytæq; timent.  
 Quæq; suam decorant patriam felicibus ausis:  
 Conueniunt Ducibus symbola tanta bonis.



In Stemma ANNÆ de Rusca Comitis in Wisnie,  
fosculi Gentis BRANICIORVM.



Gryphs alis: curuis armatur et unguibus, vinco  
Tum rostro: pedibus fert avis ista tubam.  
Scilicet illa canit fortissima pectora gentis  
Branicie, oppositos, Gryphs velut, illa necat.  
Illa vocat multos connectens vincula pacis,  
Magnanimis claros iungier hercle decet.  
Equis virtutes non amplexetur honestas?  
Hæc sunt Braniciis arma decori pius.



# Dedicatorium Carmen

Ad Illustrem & Magnificum Dominum, D.

S T A N I S L A V M  
COMITEM IN WISNIC  
LVBOMIERSKI. &c.&c.

**L**ætā prius cecini, nunc tristia carmina pango,  
Inferior mundus suscipit ore vices.

Nunc atræ nubes pendent, nunc lumina Phæbus  
læstat, fluminibus surgit, et vnda cadit.

Arboris factus foliis viduantur, iisdem

Uer postquam rediit corpora nuda tegunt.

Res variæ canâ clauduntur in orbe pruina,

Ac iterum solis dissipat illa calor.

Quod fuit inferius, consurgit in alta frequenter,

Quæq; suere supra rursus ad ima ruunt.

Omnia sic variis vicibus mutata feruntur.

Excipit heu morbum sanus, et æger opem.

Excipit infirmus mortem, quæ cuncta repente

Occidit: genito stat sua cuiq; dies.

Lata prius cecini, nunc tristia carmina pango:

Inferior mundus suscipit ore vices.

Lata prius latus cepisti fronte serenâ

Heros, ducta tibi cum noua nupta fuit.

*Tristia*



Tristia nunc etiam capias genitore perempto,  
Deinde tibi faciet tristia læta Deus.  
Deuincas animo tristissima fata, polito  
Artibus ingenuis, moribus atq; bonis.  
Erige Maiorum pulcherrima semina victor  
Tristitiæ: doctos res ea namq; decet.  
Externi fines mentem coluere per artes  
Rite tuam, sequitor dogmata certa libens.  
Quin et Sarmatiæ Musarum fulgida mater,  
Te iuuenem docuit vincere mæsta citò.  
Vnde foues illam studiis, releuasq; parentem,  
Dignum laude virum te colit illa frequens.  
Sæpetuas vidit virtutes patria magnas,  
Quas hostis cernens horruit ipse nimis.  
Cernens indoluit odio exagitatus iniquo:  
Inuidiæ rapidus pectora feruor edit.  
Ictus quam forti truculentos mente tulisti  
Smolensci impugnans mænia vasta manu!  
Brachia testantur saxo percussa rigenti  
Aëre quod liquido terrifica æra vomunt.  
O quoties campos triuisti corda laceßens  
Moschorum, gestus Rege vidente tuos?  
Iam quot duxisti fulgentes ære catervas  
Væta fuit Regi dum noua Nympha pio:

Consi.




Consilium prudens iuuenilis suggerit ætas,  
Quid non (spes pascit) curua senectæ feret?  
Quàm grauis in docto tua stat sententia cætu  
Cum dicunt equites ordine vota suo?  
Quàm tibi vis animi mederatrix pectora format!  
Quàm iustus, simul et viuus in orbe pius!  
Quantus amor patriæ! quàm te clementia charum  
Omnibus ostendit! Sic celer alta petis.  
Crede mihi virtus tua surget ad astra decora,  
Hæc te felicem laudis honore dabit.  
Nunc ego magnificum tibi vates grator honorem,  
Quem tibi dat virtus Rege fauente nouum.  
Surge age, viue diu, patrics et dilige manes,  
Surge, tuos natos luminibusq; vide:  
Quin claros etiam factis super astra nepotes,  
Meq; in præsidium suscipe quæso tuum.  
Suscipe, quæ promptus dico tristia carmina vates,  
Inferior mundus suscipit ore vices.



MANES AD HOSPITES.

Vixi; sed colui spacioſa palatia quondam,  
In terræ gremio nunc mihi parua domus.  
Quid iuuat Heroas celſos habitafſe penates?  
Quod quis habet, tollit mors fera falce breui.  
Sola iuuat virtus. Virtutem quærite prompti:  
Hæc etenim reſerat limina lata poli.  
Et licet in gremio degant mea corpora terræ:  
Spiritus at liber nunc pia vota peti.  
Dicite vos igitur defuncti manibus omnes,  
Quem pia mors rapuit, ſuſcipe Chriſte Deus.





# CARMEN.

**L**vgubrem Herois mortem, planctumque suorum,  
Sarmatiæq; graues luctus lachrymasq; madentes,  
Quas dolor expressit placido de pectore iustus,  
Tum lætas comitum voces quæ passibus æquis  
Sarmatiæ sese haud dubitant adiungere matri,  
Ore cano vates, quibus altus Olympus, & ima  
In sonuit tellus, vrbes, syluæque profundæ.  
Tu fer Mvsa mihi validas in carmina vires,  
Cur illæ tantas vastum super æthera mittunt  
Voces? Quid causæ est lachrymas effundere mœstas?  
Auribus hæc patulis hausisti, dicere totum  
Sic potes, ac tristes in vulgum spargere luctus:  
Est locus ad cellos montes, vbi surgit in altum  
Arx fabricata polum, præciso vertice rupis  
Aëriæ, latis nimium circumdata muris,  
Turribus insignis variis, tectisque superbis,  
Vngaricos spectat fines, collesque supinos.  
Raba per ima ruit geminatis cornibus acer,  
Vndantes raptans fluctus tenuesque lapillos,  
Prospiciens virides syluas, camposque iacentes,  
Quæ Dobczyce homines patrio cognomine dicunt.  
Nec procul exurgunt villæ, ampla que mœnia Craci,  
Hanc sedem coluit crebrò Lubomierscius Hæros



Vir grauis, eximium Regni decus, atque Senator  
Confilio prudens, antiquæ gloria gentis.  
Nunc etiam multis factus iam segnior annis,  
Sponte tamen voluit solitis succedere tectis.  
Interea fera mors nudis circumuolat alis  
Omnigenam mundum, bene telo armata cruento:  
Terra parens genuit monstrum commissa nefando  
Flagitio, postquam altitonans super arbore vitæ  
Non iussit manibus fructum decerpere auaris,  
Sed mortale genus violauit iussa tonantis,  
Ossibus ex duris compactum, naribus vnëis,  
Auribus, atque oculis cassum, sine carne, sine vllò  
Ornatu, horrendum visu, quod nulla voluptas,  
Nullaque flectit melle fluens oratio Tulli;  
Læuâ non rediens tempus, metitur, & horas.  
At falcem dextrâ gestat, quâ demetit omnes.  
Cum vult mortales, sexus non permouet illam.  
Non ætas, doctæ non artes, nonque refulgens  
Virtus, quin nec opes, nec corporis ora venusti:  
Pone homines premit à tergo, sed nuntius olli  
Est morbus, finem vitæ qui portat amicæ.  
Hæc ubi cognouit vix iam restare, quod vltra  
Effluat, heu magni WOYNEXI, misit in aulam  
Morbum, qui subtus cruciet miserabile corpus.  
Ocyùs ille virum inuadens in viscera sæuit,  
Infundens membris saniem, tetrumque venenum.  
Effugere exoptans durum morbum impiger Heros.  
Nunc



Nunc huc; hunc illuc, curru sublimis in auras  
Carpit iter, villas fumantes visit & arees.  
Haud illum retinet mordens iniura morbi.  
Accipit Herodem WISNICOMITATUS in aulam  
Egregiam, sed ibi haud morbus requieuit amarus.  
Inde petit veteris fulgentia mœnia Craci,  
Inuisitque VOLAM; propior quæ prospicit urbem  
Pua ubi per campos spaciosos aura flat, ægrumque  
(Istula namque pater liquidis prope voluitur undis)  
Demulcens corpus, perfundit membra vigore.  
Non iuuat infirmum locus, intrò morbus adurit,  
Atque feræ mortis crudelia iussa capeſsit.  
Denique fert sese curru WOYNICIVS Heros  
Per montes, campos virides, agrosque feraces,  
Lætaturque videns segetes, ridentibus aruis  
Cui famuli circum sexcenti sanguine claro  
Prognati, stipant latus, & comitatur heriles  
Cursus, magnificum ac domini tutantur honorem.  
Ingreditur DOBCZYCE frequens in rupe locatam  
Assurgit morbus, fragiles in corpore vires  
Deficiunt, vexantque viri fastidia pectus.  
Tum vocat vxorem dulcem, natumque, paternas  
Delicias, priscae spem multa in secula gentis,  
Languidulisque nimis labiis hæc sponte profatur.  
Suauior ô vitâ coniunx dum fata sinebant  
Tu quoque nate, decus nostrum, & spes vnica stirpis.  
Mî prope mors instat, morbus conquassat anhelum,



Alloquor extremis vōs dulcia pectora verbis:  
Nate, Deum venerare tuum, timor illius horis  
Omnibus ante oculos videri, hæc sapientia prima est,  
Tum patriis fer opem laribus, te patria charum  
Non segnis natum binis amplectitur vlnis:  
Sed regale volens primū diadema sequaris;  
Illum namque ducem voluit Deus esse Polonæ  
Gentis quī populos, & regna teneret auita.  
Deinde piam matrem cole, quæ te luminis oræ  
Infudit, semper meritum sibi defer honorem:  
Sic etenim felix longos florebis in annos.  
Non paucos video, quos refrænabis habent  
Imperij, de more patris tu subdita colla  
Dilige; namque homines melius vincuntur amore.  
Sæpe timor gelidus fert mille pericula vitæ.  
Pauperibus clemens esto, primūque ministris  
Altitoni veris, quos sancta Ecclesia format:  
Nam poterunt cælum nobis referare profundum.  
Post mea fata, rogo, sis æquus, & omnia reddas  
Pro meritis cuius, docet isthæc pagina cista,  
Efficiēs demum ratio quod recta docebit.  
Iamque vale, Deus ex alto benedicat Olympo,  
Fortunetque tuos actus pro laude perenni.  
Hoc nostri nunquam morituri pignus amoris  
Accipe. Mox aurum digitis auellit Eoæ  
Cum gemmâ, charo dans splendida munera nato,  
Porrigit & clauēs patrium testatus amorem.



His dictis oculos auidus conuertit, & ora,  
Vxoremque suam lachrimis affatur abortis:  
ANNA mihi dilecta nimis, nos vincula in vnum  
Connubij vinxere sacri, neque tristitia debent  
Funera sacros animi disrumperetodos.  
Quicquid ero (sed enim fieri spero incola cæli  
Id famulis Christus promisit, fallere nescit)  
Me semper studij gratum post funera nosces.  
Dumque trahes vitam, mentem ne sauciet altam  
Cura, tibi certas ditiones inclyta coniunx  
Decerno, haud dubiis animo quibus vttere læto.  
Tu mihi rite fidem sanctos moresque probasti,  
Tu comes in vario fortunæ sola fuisti  
Flara, tuque domum decorasti prole venustâ,  
Vnde genus nostrum claris cum stirpibus vltro  
Icit amicitiaæ celestia fœdera diux:  
O lux BRANICTIAE stirpis, dum spiritus artus  
Holce tuos reget in vitâ is vndique felix,  
Atque memor nostri, tibi sit benedictio summi  
Sancta Dei, natisque tuis, queis vita superstes.  
Namque tenent alij vasti iam culmina tecti,  
Post mortemque pia celestia gaudia carpunt.  
ANNA vale, cunctique simul. Sic fatus ab ore  
Languidus obticuit, magno deuictus amore,  
Atque dolore graui, qui corporis occupat artus.  
Natus pauca refert. Mihi quæ pater ore dedisti  
Iussa, libens faciam, das & quæ munera gratus.

Acci-



Accipio, mentisq̃ue volo memor esse paternæ,  
Quodque mihi dicas bene, pendat Rector Olympi,  
Sit melius tibi met pater, hoc nil dulcius vnquam est.  
Hinc patris amplexans languentia colla pependit  
Collachrymans, victus pietate, haud plura locutus  
Sed cadit in terram pronus, cui ritè ministri  
Subiiciunt vlnas, Dominum releuantq̃ue cadentem.  
Tunc duro coniunx dulcis concussa dolore,  
Densas effundit lachrymas, atque oscula figit  
Nota viro, manibusq̃ue suis amplectitur artus,  
Insuper hæc breuiter dixit, solata maritum.  
O mea vita, nimis linguâ quid membra fatigas  
Multiloquâ? Mihi quidue vale iam dicis ab ore?  
Crède super viues, modò fac tua membra quiescant.  
Pharmaca depellent morbum, natura iuuabit.  
At senior languet morbo crescente per artus:  
Viuit enim viresq̃ue suas extendit & angit.  
Tempore non alio pede mors fera limina scandit,  
Perq̃ue gradus vadens stridentes concutit alas.  
Horrenda ossa sonant lateri falx hæret acuta  
Effluit hora, diem vitæ quæ claudit amicæ,  
Illa cauos orbes capitis gerit horrida multum  
Nullus eam sanus cernit, sic lumina fallit.  
Ægrotus sentit, quia morbus membra laceffit,  
Ista seni ostentans clepsydræ talia fatur.  
Effluxit vitæ spatium, iam desine tandem  
Viuerè, sic visum superis. Mox corpora durâ



Falce petit, cæditque virum quem sponda refulgens,  
Auro, mollibus in stratis acceperat ægrum  
Protulit hinc languens vir ab ore nouissima verba.  
In sacras commendo manus tibi Christe Redemptor  
Hanc animam cælo tractam, quam sanguine sancto  
Faucibus estygiis rapuisti, suscipe clemens.  
Diriguitque statim & frigentes clusit ocellos.  
At morbus cum morte ferâ discessit in auras.  
Fit clamor rectis, resonant alta atria circum,  
Discurrunt famuli, lamentis omnia complent  
Fæminæque manus vlulant, ferit æthera plangor.  
Occidit heu nostri fiducia maxima cordis,  
Occidit ille pater, nulli pietate secundus,  
Occidit heu Dominus, quo non clementior alter.  
Heu miseras sortes? ubi talis in orbe panonus?  
Nos hinc vt decuit multos exegimus annos.  
At modò quas tandem gressus vertemus in oras?  
Sic voces geminant lachrymisque calentibus ora,  
Ora genasque rigant famuli, digitisque capillos  
Vellunt, deiectis oculis cursantque per arcem.  
Obstupuit coniunx, ubi vidit fata mariti.  
Vult niueis labris mærentes fundere voces  
Nec potis, horribilis dolor intus membra fatigat,  
Iam solitæ cessant vires, calor ipse relinquit  
Externas partes, præceps cadit in scia vitæ.  
Pone suam matrem castissima labitur vnâ  
Infelix oblita sui tunc filia, patris

Effe.



Effæti senio frigenti magna voluptas  
Accelerant famulæ reuocantque liquoribus vdis  
Amisſam vitam, frontemque & tempora inungunt.  
Atque prior coniunx manibus percuffa lacertos  
Ecquid (ait) viuo? mea lux vbi? ſtamina Parcæ  
Abrumpant, vltra liceat ne ducere ſoles,  
Atque videre oculis fulgentis lumina Phæbi.  
Diſceſſit mea lux, tenebris immerſa profundis.  
Heu mea ſpes iacet, ac fidi ſolatia cordis,  
Quò veritam grefſus? Quis me ſolabitur ægram?  
Siccine mi coniunx iaceas reuolutus arenâ,  
Pectoribus tacitis æterna ſilentia ſeruans?  
Quis te ſubtraxit noſtris amplexibus? Eheu  
Me miſeram necuit dulcem mors atra maritum.  
Sic effata manu mærentia pectora tundit  
Irroratque ſolum lachrymis crinesque reuellit.  
Filia vix animum ſerò iucunda recepit,  
Demisſisque oculis, roſeo ſic inſit ab ore.  
Heu genitor ſuauiſ, mea ſpes, mea vita migravit,  
Flos LVBO MIRSCIADVM truculentâ falce reciſus  
Aruit. O Superi, date lympham cælitus ori  
Et ſi fata ſinunt, gelidum reuocate parentem.  
Non ego te genitor dulciſſime nata loquentem  
Excipiam, riſusque tuos, ac iuſſa paterna.  
O ſuaues oculi nimium, labiæque, genæque.  
O pectus niueum, quod membra tenella dediſti  
Natis, ſicne riges? Quid fundere verba recuſas?

Sed



Sed Deus hoc voluit : data lex est omnibus vna.  
Iam requiesce pater cælum deductus in altum ,  
Nosque tuos, Superos flectens, solare per orbem,  
Conticuit tenero suspiria pectora ducens,  
Virginæ manant lachrymæ, faciemque nitentem,  
Et vestes auro fuluas, terramque tenacem  
Inspergunt, pietas humentem prouocat vndam.  
Filius has iuxta generosi patris imago,  
Singultus grauiore trahit de corde dolentes,  
Incusans atram mortem cui ferrea tantum  
Vis dedit, innocuos ut possit perdere telo  
Heroas, patriæ munimina fortia charæ.  
Mi pater ergo iaces? vbi nunc es nostra voluptas?  
Splendor vbi patriæ? fulgens vbi gloria gentis?  
Vita hominum fragilis breuib. dilabitur horis,  
Solaque post mortem tristem manet inclyta virtus,  
Sauromatum Regno meritis post funera viuus  
O genitor, nullis tua laus moritura diebus.  
Morstua vita tibi, de mundi mole caduci  
Migrasti, meliora vides super arce polorum  
Viue Deo felix mortali corpore liber,  
Hæc benefacta tibi cumularunt præmia cæli.  
Quod superest corpus referemus, & ossa sepulchro  
Fumabunt pro te sanctis altaria donis  
Crede mihi non ara tuum reticebit honorem  
Sarmatæ Regnum dum stabit, templaque Diuûm.  
Hæc memorat lachrymis tristi lætæque refertus

Filius, exequiasque parat pro laude vetustâ  
Maiorum, claræ florescunt stemmata gentis,  
Factaque nota suis renouantur fortia patrum  
Temporibus, Lubomirsciadæ virtutibus omnes  
Fulserunt, & nunc virtus est cognita mundo.  
Insternunt intus pomposa palatia nigrâ  
Lanâ, mox habitu velantur corpora pullo,  
Omnia nigrescunt tristem referentia luctum.  
Miscentur lachrymæ, pia mors decoratur honore.  
Tempus erat, quo Phœbus equos super ardua cancri  
Brachia direxit, tremulum dans lumen in orbis  
Climata, læta coquens sitienti prata calore:  
Cum partes mundi volitaret fama per omnes,  
W O Y N I C I V M cecidisse grauem, iubar ore coruscum,  
Et decus imperij, summis virtutibus auctum.  
Sarmatia extemplo mater veneranda dolorem  
Ore ferens, & corde pio, succincta nigranti  
Pallâ, sponte venit famulis comitata duabus:  
Olli pulchra comes virtus, & gloria cultu  
Simplice, W O Y N I C I I mortem deflere ferocem  
Huc genitrix properat pedibus, cui deinde gemellæ  
Dant famulæ vero solatia corde profecta.  
Sarmatia ergo parens tales dedit ore loquelas.  
Siene mihi recubas matri L V B O M I E R S C I A proles  
Inclyta? Quis rapuit te nobis? Stemmata patrum  
Non veritus, priscæ aut fulgentia numina stirpis?  
Heu miseram sortem, data quæ mortalibus ægris,  
Tem-



Tempore non longo terris homo viuit apertis.  
Quumque magis floret, rapit inclementia mortis,  
Nec metuit fasces Regum, nec sceptrâ Tyranni,  
Diuitias minimè vel summos curat honores.

Ergo iaces terrâ LVBOMIRSKI stratus in vda ?  
Deseris heu fili charam, dulcissime matrem :  
Suauia nonne tibi placuerunt vbera matris  
Sarmatiæ, pleno quæ ridens ore bibisti ?  
Sic Superis libuit fatis, diuina voluntas  
Omnia dispensat, vitam, mortemque, decusque,  
Et meritis hominum iustissima præmia confert.

Heu miseram sortem data quæ mortalibus ægris,  
Tempore non longo terris homo viuit apertis.

Stemmata Maiorum quàm fulgens nate fuisti  
Sauromatum Regnis quæ nota, simulque propinquis  
Finibus Vngariæ ; longè latèque per orbem  
Vt Phœbi radius micuit LVBOMIRSCIA virius.  
Quantus enim genitor vixit STANISLAVS olim ?  
Ille acies Turcos contra fortesque phalanges  
Duxit in Vngariâ, multos gessitque per annos  
Bella cruenta manu validâ, felicibus ausis,  
Sæpius effuso maduerunt sanguine campi,  
Et fluuii ripas videre cruore madentes,  
Impia gens pœnas Turcarum sumpsit acerbâs,  
Ille prior castris fuit, acrem primus in hostem  
Iuit, & horribiles telis inuadere turmas  
Ante alios ausus, virtus ita pectora iuuuit.

Pannoniæ Heröes mirati ex ordine longo  
Pectora tanta hominis, dextramque, animumq; virilē.  
Qui KOSTKA Vngaricis olim confederat aruis  
Heros magnanimus factis super æthera notus,  
Ille Stanillai LYBOMIRSKI facta stupenda  
Vidit, & ad cellum dignis vectavit Olympum  
Laudibus, ingenui Mauortis pignora credens.  
Tantus erat genitor tuus, isthæc pectora gessit  
Per vitæ curlum, pulchræ virtutis amator.  
Et postquam in patriam externis bene sanus ab oris  
Iam rediit, memini rectè, vir amabilis illo  
Tempore, virtutem propter moresque venustos  
Omnibus; inde fuit SIMVNDI clarus in aulâ  
Primi, qui patriæ pater est cognomine dictus,  
Ob res præclare gestas in Marte togaque.  
Vxorem duxit Lauram, quæ venerat oris  
Asoniis, florent morum nitidæque iuuentæ,  
Illa Bonæ fuerat Regina nobilis ortu  
Fida comes, genuit natum, sed morte peremptus  
Annis occubuit primis, quem Laura secuta est.  
Heu miseram sortem data quæ mortalibus agris,  
Tempore non longo terris homo viuis apertis.  
Altera deinde dies post multos ducitur vxor  
Huic Lubomirsciadæ, faciem pulcherrima virgo,  
BARBARA GRVSCOVIA clarâ de gente per oras  
Pannonicas, cuius pergratam KOSTKA sororem  
Consilij sociamque thori tenuisse iugabis

Fertur,



Tertur, homo clarus factis, & nomine magnus,  
BARBARA diues opum, niuea virtute refulgens  
Corpore splendidulo Dominæque simillima Cypri.  
Hæc sibimet multas stirpes sociavit in vnum,  
Quas retinet gremio generosas Vngara tellus.  
DE R S F I A stirps variis uirtutibus aucta, reuincta est  
Sanguine Gruscouio, simul ac T V R S O N I A proles  
Quid memorem P O D M A N E C I O s pietate verendâ  
T E K E L I O s que graues, V E S E L I N O s que potentes?  
Quid reliquas stirpes? Quis cunctos dicere versu  
Polsit, & ad vastum verbis extollere cælum?  
Vngaricos campos affines vndique Magni  
Iure colunt, Turcasque suis à finibus acres  
Aere, manu, telis, animoso milite trudent.  
Felix prole parens, G R V S C O V I A BARBARA felix  
Edidit hæc vrum natum, quem falce recisum  
Nunc cerno ante sedes, nunc est mihi lumen ademptū.

Heu miseram sortem data quæ mortalibus agris,

Tempore non longo terris homo viuit apertis.

At plures genuit natas sub luminis auram.

Ex his P R Z I T C O V I I coniunx C A T A R I N A pudica

Exitit insignis vitæ, probitate fideque,

Przitcouiamque domum decorauit prole venustâ.

Ingens A N N A decus, W I E R V S C I A recta sub intrans,

Addidit his lucem morum grauitate polita:

Hæc matrona grauis, pia, relligione parentum

Splendescens, curæ, senij, morbi que dolentis.

Est

Est patiens, cumulat sibi viuens munera cæli.  
STANISLAE tuos quis nolit carmine fratres  
Concelebrare viros virtute per æthera notos?  
Vnus Subdapifer fuit aulæ luce coruscâ,  
Et morum, & generis, Regi charissimus ipsi,  
Atque Sanocensis vixit Capitaneus olim.  
Alter IACOBVS longè maiora secutus  
Sacratas sedes coluit, de more sacerdos  
Vnctus, Sandecia monialia pectora verum  
Ad finem ducens iustis direxit habenis  
Floruit is clarus vitæ integritate caducæ,  
Diuino cultu fuerat nil suauius illi,  
Quid melius quæso? hoc dempto, sunt omnia fraudes.  
Nunc ego te referam versu LVBOMIRSCIA pubes  
LAURENTI, patriâ pro dulci vulnera passum,  
Vulnera quid dico? lethum subiisse cruentum.  
Bucouina tuum semper testatur honorem:  
Nam bello pugnans cecidisti fortiter illo.  
Ergo tuas laudes, nomenque, decusque Poloni  
Cantantes sublime ferent ad sydera cygni.  
Hæc ego dum memoro, lachrymis confundor obortis  
Quod cernam natos tot, tot periisse priores.  
Heu miseram sortem, data quæ mortalibus ægris,  
Tempore non longo terris homo viuit apertis.  
Quàm florens vixit LVBOMIRSCIAS inclyta quondam  
OCIESKI coniunx belli Ducis. illa Scytharum  
Audiit horrendas strages, quas ipse maritus

Fecit,



Fecit, & indoluit primi post fata mariti  
GAMRATI fratris dilecti Præfulis almi,  
Qui Craci prudens antiquum rexit ouile.  
Sed quis Srzeniauas omnes percurrere possit?  
Quis Lubomirscidas in bello, & pace potentes?  
Ordo nimis longus si quisquam ab origine gentem  
Dinumerare velit. Nitidas prius æthere stellas  
Cognoscet quot sunt, & quot voluntur arene  
Fluctibus æquoreis, syluisque virentibus vdo  
Quot folia excrescunt vere, & quot flumine pisces.  
Ast vbi sunt nati peperit quos mater in orbem?  
Mors fera mors rapuit nullo placabilis æuo.

Heu miseram sortem, data quæ mortalibus ægris,  
Tempore non longo terris homo viuit apertis.  
Hem, quid prisca meis ego versibus acta reuoluo?  
Qualis erat, quantusque recens LVBOMIRSCIVS Heros?  
Vt primum felix infans processit in auras  
Æthereas fatus summâ pietate parentum,  
Continuo ore suo virtutum signa micabant.  
Ille fuit solitus fessos ridendo parentes  
Delectare suos, oculis, manibusque decoris,  
Vt gemmæ fulgent si quæ clauduntur in auro  
Obrizo; sic ille puer resplenduit ore.  
Hæc vbi sunt? vultus periit decor ille coruscus.

Heu miseram matrem, quæ natos lumine cernit  
Amisisse decus, dolor eheu membra fatigat.  
Cæpit vbi firmare gradus, mox docta scholarum

Limi-

Limina prosper init, fausto pede iussa parentum  
Ilda sequens, artes animo quæ capessit amænas  
Et simul egregios oculis flagrantibus haurit  
Mores, hinc puerum bellum B V Z I N I V S olim  
Qui salis in manibus fodinas, & claustra tenebat  
Dilexit, pueris iunxit quæ nepotibus ipsum.  
Nunc ubi sunt artes? perierunt, atque venusti  
Mores; succidit lethum, quæ lata fuerunt.

— Heu miseram matrem, quæ nates lumine cernit

Amisisse decus, dolor eheu membra fatigat.

Annos excedens pueri, deductus in aulam est  
Padnicuij, eximius qui Præsul in vrbe vetusta  
Florebat Craci, vitâ spectabilis, ingens  
Exemplar fidi populi, rudis atque iuuentæ,  
Fontibus illius mores perfectius hausit  
Exsiccans animo, quæ turbida forte latebant.  
Sic tandem euasit melior formatus in anlâ.  
Hæc ubi sunt? artes perierunt, atque vetusti  
Mores; succidit lethum, quæ lata fuerunt.

— Heu miseram matrem, quæ natos lumine cernit

Amisisse decus, dolor eheu membra fatigat.

Succreuit Lubomirsciades maturior æui  
Iam quæ nitens pulchris virtutibus ore sereno  
Cum reuocat dulcem pater ad sua limina natum,  
Remque domi propriam mandat curare quotannis.  
Haud segnis iuuenis, sequitur mandata parentis  
In campis hominum turbas inuasis arantes

— Quidue



Quidue domi fiat, quid ruri discere tentat.  
Sic releuat patris curas, corpusque grauatum.  
Tā cessauit agri cultus, iam cura quieuit.

Heu matrem miseram, quæ natos lumine cernit  
Amisisse decus, dolor eheu membra fatigat.  
Discedit genitor, fato compulsus acerbo  
Ex vitâ, charo committens omnia nato.  
Ille auidus, doctusque domum ratione gubernat,  
Auget opes patrias solers, mediocria seruans  
In rebus, crescunt argenti pondera, & auri,  
Fata fauent, duro aspirat fortuna labori.

Humanæ quid non vincit solertia mentis?  
Continuusque labor? villas & iugera latis  
Camporum spaciis Russorum splendida terris,  
Atque Polonorum, celsas arcesque, domosque,  
Oppidaque aërio minitanti vertice cælo.  
Noctes atque dies grandi vigil ære coëmit.  
Sed iam, liquit agros, arces, æra, oppida, villas.

Heu matrem miseram, quæ natos lumine cernit  
Amisisse decus, dolor eheu membra fatigat,  
Deinde sibi iunxit clarâ de gente Pieniâszkow  
Annam connubio stabili, hæc sine prole recessit.  
Sufficit huic aliam generosis moribus Annam  
De Rusce, egregium decus. Olli copia pleno  
Se cornu dedit, in lucem pulcherrima fudit  
Pignora, dum Cypris fauet, ac Lucina labori.  
Namque Stanislaum, & Ioachimum in luminis oras

Misit, qui patriam decorent, gentemque Polona m  
Extendant, ventura per omnia secula natis.  
Heu cecidit patris Ioachimus magna voluptas,  
Acres dum Moschos petiit, cum Rege profectus.  
Ipse STANISLAVS viuit spes vltima gentis  
Ille Dei nutu recreabit prole labantem  
Ritè domum, Lubomirsciadæ ad sydera tollet  
Ille suis factis, serisque nepotibus olim.  
Perpetuis annis Lubomirscia pectora totis  
Sauromatum viuent terris. clarique vigeunt.  
Quid memorem natas? O multum prospera mater  
BRANICIAE stirpis vario quàm flore coruscas!  
Pignora quàm generas florentia, quamque perenni  
Coniungis nexu gentes! Quid clariùs illis  
Sauromatum dici poterit regionibus vltra?  
Ecce sibi Princeps CATARINAM Illustris ab Ostrog  
Sumpsit in vxorem; quæ dum sua vita manebat  
Fæmina casta, tenax fidei fuit, ore pudica.  
Ast OLESNICIVS SOPHIAM vir maximus alto  
Corde sibi sociam fecit, qui Regia Moschis  
Iussa dedit, decorans socialia fœdera Nymphæ,  
Radomix is Castellani splendet honore.  
Quid? ZEBRZIDOVIO cessit (sic fata volebant)  
BARBARA quæ tenero floret LUBOMIRSCIAS æuo,  
An ZEBRZIDOVIO quisquam superauerit? Horum  
In pace ac bello clarescit viuenda virtus.  
CRISTINA deliciæ matris, iam nubilis extat.



Limina celsa terens patris, cui splendor ocellis  
Emicat, exemplar monstrans virtutis honestæ.  
Mors ANNAM, & necuit LEONORAM falce tremendâ  
In flore ætatis, casto quarum altera claustrò  
Inter virgineos cœtus cadit, altera testis  
In patriis, magno matrisque, patrisque dolore.  
Hæc tua progenies LVBOMIRSKI, hæc pulchra corona  
Gentibus hac iunctus splendentia stemmata monstras  
Maiorum, Regni quæ prima ab origine durant.  
Sed quid tot refero stirpes? mi nate peristi.  
Te mihi te nullus crudeli à morte redemit.

Heu miseram matrem, natos quæ lumine cernit  
Amisisse decus, dolor eheu membra fatigat.  
Quàm bonus Oeconomus viuens fuit? Ipsa voluntas  
Regum testatur. Fodinas salis ære parato  
Conduxit Regni gazam, pulchreque ministrans  
Wieliciæ, & Bochnæ meruit laudemque, decusque,  
Præmia digna labor capit improbus, atque triumphat;  
Quantus defensor patriæ felicibus ausis!  
Is quoties arsit Mauors, & classica bellum  
Insonuere, acies longas misitque cohortes  
Armifor as, dirum detrudens sinibus hostem.  
Ergo Scytas contra semper Turcasque feroees,  
Et Molchos contra feruens exercitus ibat  
Magnanimi Lubomirsciadæ. non agmine tanto  
Hunc vicit quisquam, neque splenduit ære cerusco.  
O quoties hostes eius genuere sub armis?

Post STEPHANI mortem Batorei quanta per agros  
Agmina deduxit? quàm strages edidit altas!  
Vrbs Craci vidit feruentem celsa patronum,  
Mœniaque vrgentem turmas vidêre Bycynæ.  
Quin etiam Regi si quando splendida coniunx  
Ducta fuit, si quæ tempestas orta Polonis  
Nullus splendidior turmis apparuit vsquam.  
Vnde SIGISMUND vs felix Stephanusque merentem  
Illum bellator magno complexus amore.  
Namque Monarcha potens SIGISMUND vs honorem,  
Ipli donauit grandem Srephanusque Batoreus.  
Castellanus enim factus fuit, ore Senator  
Facundus, rerum prudens, patriæque columna  
Firma suæ, Sendomiriæ Capitaneus amplæ  
(Sandeciæ Præfecturam pater atque Scepusi  
Dimisit nato, sic Rege fauente, luani)  
Dobczyciæque inter montes, & scrupæ saxa.  
Tantus erat patriæ, Regi quoque tantus amicus?  
Heros perpetuo dignus qui viueret æuo.  
Nunc vbi grandis honor? charitas vbi? visque Polono  
Conueniens? abiêre procul ceu fumus in auras.  
Heu miseram matrem, natos quæ lumine cernit  
Amisisse decus, dolor heu membra fatigat.  
Ecquis virtutes iam quæso recenseat omnes  
Queis tota vitâ faustus resplenduit Heros?  
Religio cordi fuerat candore niuali  
Hæc illum docuit sacratas ponere sedes,

Atque



Atque frequens onerare piis altaria donis.  
Hæc dare Romualdo montem, syluamque virentem  
Et villam sancto, propè ripas fluminis altas.  
Hæc Dominicanæ domui sua tradere iussit  
Pectora, quod latuitque mali præcordia subtus.  
Hæc toties suasit sacras descendere ad aras,  
Atque Dei toties venerandum sumere corpus  
Inque horâ mortis pectus munire timendæ,  
Fallâ ubi contempsit fallacis munera mundi.  
An Franciscanos vnquam dimisit inanes?  
Hic amor in cultum dium, sociosque tonantis.  
Pectoribus solers micuit prudentia rerum,  
Iustitiæque tenor diuæ: Nec fallere quenquam  
W O Y N I C I V S voluit, potuit neque fallier ipse,  
Denique præcepit nato, sua reddere cuius.  
Quanta cibi potusque fuit, somnique salubris  
Temperies? vitam canos hæc duxit ad annos.  
Temporibus cunctis inopes releuare solebat.  
Plura quid? excelsæ videas hic robora mentis.  
Eheu virtutum diuæ cecidêre catenæ.

Heu miseram matrem, natos quæ lumine cernit  
Amisisse decus, dolor eheu membra fatigat.  
Quâm fuit humanus hæc homines haud spreuit egenos,  
Nec quenquam tristem à vultu discedere sinit.  
Ergo defuncti quoque circum corpora multi  
Stant, mortemque dolent Domini, lachrymasque refundunt.  
Alpice quot pullâ incedunt en veste dolorem

Testa-

Testati? quàm procedunt nimis ordine longo?

Sic pietas Domini mortalia pectora vincit.

Et mihi quis matri color? aut oratio qualis?

Heu miseram matrem, natos quæ lumine cernit

Amisisse decus, dolor eheu membra fatigat

Quid superest? pallens corpus quàm ducere nati

Ad summæ Phani Triadis, quæ surgit in altum

Ara Deo, LVBOMIRSCIADVM constructa sacello

Hoc sibi dum vixit construxerat ære sepulchrum

Ingens non paruo, atq; suis LVBOMIRSCIVS Heros

Filius hîc recubat fraterque, & Filia Magni

W O I N I C I I, hîc omnes requiescent sponte nepotes,

Hîc requiesce ergo fili mea cura, solique

Visceribus credas post mortem membra voracis,

Heu nutat languore caput, præcordia feruent,

Filius heu cecidit, iam non rediturus in orbem.

Plangite vos mecum fulgentes æthere stellæ,

Heu resonent sylvæ, reboet mugitibus aër

Intonsi montes lachryment, undæque fluentes.

Filius heu cecidit iam non rediturus in orbem.

Heu matrem miseram, quæ natos lumine cernit

Amisisse decus, dolor eheu membra fatigat.

Hæc dicens lachrymis terram rigat oraque crebris,

Singultusque graues imo de pectore ducit.

At virtus niueis labiis solata sororem

Sic breuiter. Viuit tuus ô dulcissima mater

Filius, humentes lachrymas effundere celsa,



Et querulas voces liquidas ne sparge per auras;  
Nullus enim nitidæ moritur virtutis alumnus,  
Viuit in æternum virtus heroïca tempus,  
In cælo posuit sedem, summoque tonanti  
Se famulam, sociosque suos per sæcula præbet.  
Me LVBOMIRSCIADES vitâ sectatus in omni,  
Nunc etiam cæli pretiosa palatia mecum  
Incolit, exiliens tellurem despicit imam,  
Sub pedibusque videt nubem, solemque comantem  
Æuo perpetuo fruitur, blandisque polorum  
Deliciis, bellâ spectat facieque tonantem.  
Ergo iam potius læti celebremus honorem  
Illius, violas tumulo super, albaque caltis  
Lilia commistis, herbasque, rosasque rubentes  
Spargamus, rutilus flos spiraret amaracus, altas  
Percurrens nares. Sic digni Heroës odore,  
Qui me virtutem cunctis coluere diebus.  
Gloria multicolor vero de sanguine creta  
Virtutis, leuibus quæ mundum dissecat alis  
Noctes atque dies super aurea sydera tollens  
Facta hominum, roseo genitrici dixit ab ore.  
Quid tantis oneras mater te, nosque querelis?  
Hic LVBOMIRSCIADES non est sublatus acerbo  
Funere, hyperboreis quia semper viuit in oris.  
Nam sanctos eius mores, vitamque per amplas  
Concelebro terras. Sic filius integer xui est,  
Viuit in arce pòli, terrâ viuitque globosâ

Iustitia



Iustitia, alma fides, rerum prudentia mater,  
Et LVBO MIRSCIAE virtutum exercitus omnis  
Vivit, perpetuumque dein victurus in ævum.  
Desine iam tandem querulas emittere voces.  
Quin latere parens, natum cui gignere talem  
Fas erat, ut patriam vultu recrearet anhelam.  
Purpureos igitur flores, viridesque corollas  
Sparge vnà placido mecum sic ore precata.  
O vtinam tales liceat genuisse nepotes  
Qui decorent patriam factis super æthera clari.  
Sarmatia inde parens. Meus ergo filius orbe  
Vivit? perpetuum vivat regnetque per ævum.  
Vivat iuncta sibi coniunctum cum stirpe beata  
Affines vincti generoso sanguine VIVANT.









